

L E B H I T I C U S.

Iubile dhuibh, agus pillidh sibh gach duine chum a sheilbhe féin, agus pillidh gach duine agaibh g'a theaghlach féin.

11 Bithidh an deicheamh bliadhna sin agus dà fhichead 'na Iubile dhuibh; cha chuir sibh *sìol*, ni mò a bhuaineas sibh an ni a dh'fhàsas dheth féin innte, ni mò a thionailas sibh *dearcan-fiona* innte do d' fhion-ain neo-dheafaichte :

12 Oir is Iubile i, bithidh i naomha dhuibh; ithidh sibh a cinneas as an fhearann.

13 Ann am bliadhna na Iubile fo pillidh gach duine agaibh a dh'ionnfuidh a sheilbhe féin.

14 Agus ma reiceas tu bheag re d' choimhearsnach, no ma cheannaicheas tu *bheag* o làimh do choimhearsnaich; cha dean sibh eucoir^a air a' chéile.

15 A réir àireimh nam bliadhna 'an déigh na Iubile ceannaidhidh tu od' choimhearsnach, agus a réir àireimh bhliadhna nan toraidh reicidh e riut.

16 A réir lìonmhoireachd nam bliadhna meudaichidh tu a luach, agus a réir teircid nam bliadhna beagaichidh tu a luach: oir a réir àireimh bhliadhna nan toraidh tha e a' reiceadh riut.

17 Agus cha dean sibh eucoir air a' chéile: ach bithidh eagal do Dhé ort; oir is mise an Tighearna bhur Dia.

18 Uime sin ni sibh mo reachdan, agus gleidhidh sibh mo bhreitheanais, agus ni sibh iad; agus gabhaidh sibh còmhnuidh 'san tìr ann an tèaruinteachd^b.

19 Agus bheir am fearann a mach a thoradh, agus ithidh sibh

bhur sàth, agus gabhaidh sibh còmhnuidh ann gu tèaruinte.

20 Agus ma their sibh, Ciod a dh'itheas sinn air an t-seachdamh bliadhna? feuch, cha chuir sinn *sìol*, ni mò a chruinnicheas sinn ar toradh :

21 'An sin àithnidh mise mo bheannachadh oirbh 'san t-seathadh bliadhna, agus bheir i mach toradh air son thri bliadhna.

22 Agus cuiridh sibh air an ochdamh bliadhna, agus ithidh sibh *sathast* do'n t-seann toradh gus an naothadh bliadhna; gus an d'thig a toradh a sliagh, ithidh sibh do'n t-seann toradh.

23 Cha reicear am fearann gu bràth; oir is leamias am fearann: oir is coigrich agus luchd-cuairt sibhse maille rium.

24 Agus ann am fearann bhur feilbh uile, bheir sibh faorfa^c do'n fhearann.

25 Ma dh'fhàs do bhràthair bochd, agus gu'n do reic e cuid d'a sheilbh, agus ma thig a h-aon air bith d'a chillsibh g'a fhuasgladh, 'an sin fuaiglaidh e an ni a reic a bhràthair.

26 Agus mur 'eil aig an duine neach g'a fhuasgladh, agus gur urrainn e féin fhuasgladh:

27 'An sin àirmheadh e bliadhnan a reicidh, agus thugadh e air ais an ni a ta thairis do'n duine ris an do reic fe e: a chum's gu'm pill^d e dh'ionnfuidh a sheilbhe féin.

28 Agus mur urrainn e *sin* a thoirt air as da, 'an sin fanaidh an ni sin a reiceadh ann an làimh an neach a cheannaich e, gu bliadhna na Iubile: agus anns